

DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
*manè discutienda in Scholis Medicorum, die Jovis vigesimo-secundo
mensis Januarii, anno Domini M. DCC. L.*

M. GASPARDO COCHON DU PUY,
in Arce Maritimâ Rupifortensi Medico ordinario, Botanices &
Chirurgiæ Professore Regio, Doctore Medico, Præside.

An Medicina practica, quò simplicior, eò melior?

I.



STO, post tot animorum motus, post tanta sermonum opinionumque certamina, cedant & quiescant λόγων μεμνηται; victi dent manus *Humoristæ*; fracta jaceant qualitatium facultatumque agmina, veteris Medicinæ robur; absistat vel ipsa dux optima Natura, imò. si fors tulit, funditus concidat suis nihil pollens opibus; procul hinc Fermenta, Archei, Sulphura, Sales aliaque omnia hujuscemodi igniferæ gentis subsidia. Triumphet victrix fluidorum solidorumque potentia: horum ergò regimine stabit deinceps aut ruet valetudo, animalis œconomix complementum? Vel hoc quis non credat qui illa viventis corporis primordia esse noverit? Hoc enim qualecunque ex fluidis primò genitum, ex adnatis unâ solidis formatur & firmatur, ex conjunctis utrorumque viribus ac in æquo consociatis vivit & valet; secus verò, huic quantumvis naturâ & usu valido, quæ mala non incidunt? Quæ huic, perversâ semel aut amissâ solidorum fluidorumque æquabilitate, non incurrunt stantis adversæ valetudinis signa? Quæ non subeunt morborum genera, feralis plerumque exitii prænuntia? Ni præclara medendi disciplina, salutis humanæ sospitatrix erudita, illud aut sapienter depellat, aut prudenter antevertat.

I I.

ET ne quid externi deforet adjumenti, tam secundæ quàm adversæ valetudini, multis antè nos sæculis *in tres partes Medicina practica diducta est, ut una esset quæ victu, altera quæ medicamentis, tertia*

A

quæ manu mederetur ; his singulis pro diversâ temporum locorumque consuetudine , sui fuere professores , instituta , leges , præcepta ac instrumenta ; sed , ita me Dii ament , quò major iidem singulis suberit simplicitas ac felicitas , eò major tutiorque futura est earum vis ac potestas , itemque eò certior firmiorque consequetur per eas quæ sita valetudo ; hæc autem qualiscunque tota pendet tum ex æquabili mutuoque fluidorum solidorumque pressu , tum ex liquoribus perenniter & liberè fluentibus per longè latèque diffusam tubulorum vasorumve congeriem. Nihil equidem , quod sciam , tanto operi aptius accommodatiusque putandum est , quàm illud quod simplici viâ facilique modo liquida solidaque inter se se conciliando , eorum symmetriam , crasim & indolem tuetur , instaurat ac redintegrat : hæc omnia præstat quàm quid maximè clarissima Medicinæ pars quam *διατητικὴν* Græci nominaverunt : hæc enim suis , quantum potest , interclusa finibus , Balneo videlicet & Abstinentiâ nimios fluidorum solidorumque nisus lenit & emollit : frictione ac sudore , lentos commovet & extimulat : gestatione & omnis corporis exercitatione , torpentes & languidos concutit & suscitatur : his omninò similibusque rebus fit ut simplex victûs ratio non ægros modò , sed fanos quoque sustineat.

I I I.

IN nuce Iliadem , in pagellâ , inquam , hîc tenes omnia medicamenta, *sive quibus ad fœnitatem præparandam non possunt multa admodum quæ corporibus nostris incidere consueverunt* : quid ista , sodes intempestivè obtrudis ? Ignoras , scilicet , ut insignes olim arte & facundiâ viri , horum usum ex magnâ parte non sine causâ sustulere ? Ecquid te fugit ? Ut illorum æmuli Medici Parisienses suis magnis & divinis bonis eam affecuti sunt licentiam , quâ post longum sæculorum ambitum , veterum rudera , Empiricorum farragines , Arabum fæces ac quisquilias exigèrent , quâ demùm universam *φαρμακευτικὴν* , alterum Augiæ stabulum , Herculeo labore repurgatam , suo nitori deintegro redderent : bona verba , quæso , non rectè accipis ? His audacter utere medicamentis quæ valent disparem adeò fluidorum solidorumque vires æquare ac fervare , æstus coercere , fluorem tardare , lentitudinem accelerare , vitia denique quælibet emendare : si ab eventu facta putes notanda , medicamenta sive simplicia , sive mixta opitulatur , illa autem , utpotè æternæ & immutabilis naturæ opus , meliora ; hæc verò , fragilis duntaxat fluxæque artis molimina , deteriora ; utraque tamen , plurimâ fuere ad fingendum credendumque materies. Quid verbis opus est ? In tantâ copiâ rerum valetudo , seu nostra omnis vis quæ in animo & corpore sita est , faciliùs semper & tutiùs retinebitur ac

3

restituatur iis artibus, quibus initio parata est: ex simplicibus quidem mollibusque succis, vi genitali adfusâ, formatus compactusque homo, vivit in utero, crescit in cunis lacte ciborum simplicissimo nutriendus, donec adolescat, valentioris materiæ indigus. Optima itaque Medicina, simplex cibus opportunè datus, quidni & optima Medicina, lene & simplex medicamentum?

IV.

VENIO nunc ad χειρουργικὴν, tertiam Therapeutices partem quæ manu curat, & ab Heroibus Diisque ipsis fuit exculpta; his, sivè veris, sivè fabulosis aucta, ingens sibi nomen fecit: hæc, op-
pidò, simplicissima, ne novos solidis fluidisque obices perperam fige-
ret, *sine peregrinis & conquistis & compositis medicamentis curare novit*
vulnera, seu ista fecerit Medicus, seu invenerit: hæc pariter tota ferè
in actione solâ posita, & à latentium rerum conjecturis, & ab ex-
ploratis manuum effectibus, evidentique innumerabilium curationum
profectu, suas maximè traxit medendi vias: quanta est Chirurgia, to-
tum sanè illud suum decus, non minùs singulari suæ simplicitati debet,
quàm impavidæ artificis menti, intrepidæ secandi urendique industriæ,
immisericordi beneficentiæ, intremiscenti stabilique manuum dexteri-
tati, pertinaciæ deniquè vagitibus inexorabili: fallor ego qui ista pro-
bem? Facinus profectò foedum: Ululantis fœminæ ubera igne ferro-
que rescindere, expirantis hominis præcordia latrocinate scalpello
perfodere, ~~fœmina~~ hæc quidem & terrensia & vicinia ac cuncta manu
perrumpere: foeda hæc quidem & terrensia & vicinia ac cuncta manu
tatisque causâ inventa est salutaris nostra professio; non potest vehe-
menti malo, nisi æquè vehemens, auxilium succurrere; omnis honesta
& recta ratio est expediendæ salutis, dubiæque spes desperatione po-
tior. Quin & indulgendum ægris, qui pro insitâ sibi vivendi cupidine,
quæ vel ipsis sapientibus novissima exuitur, inter innumerabilia tormen-
ta, in ipsâque trucidatione, fugienti vitæ moras quærere non desinunt.
Ad summam, ne agam de singulis Chirurgiæ generibus, nulli penè
non morbo succurrit simplicissima expeditissimaque sanguinis per ve-
nas detractio; hujus siquidem præsentis ope, liquidis solidisque suis
commodè redditur servaturque tenor, & utrisque sic amicè conjuran-
tibus, facilè & parvo sumptu stat redditque amabilis valetudo.

V.

ET quod ad rem maximè pertinet, clamitant pleræque omnes sapientum disciplinæ, *naturâ duce errare nemo potest; omnia quæ secundum naturam fiunt, sunt habenda in bonis; repugnante naturâ, Medicina non proficit; ut natura, Medicina erit*; clamitant cum Hippocrate Medicorum filii, ἡσώων φύσις ἰστροί; ἡ χερμονικώτατος μὲν ἀπαιτείται ἡ φύσις;

4

si quid autem est natura, si quis illi hîc locus, si datur hîc *hujus nominis usus*, nihil certè illâ simplicius, qualis illa sit nihil perfectius fingi excogitarive potest: hæc igitur potior habebitur Medicina quæ modicis indiga medicamentis, ad naturæ simplicitatem proximè accesserit. At gravibus, inquires, Medicis & magna plerumque professis, & placuit multiplex Medicina, & licuit audere quodlibet & miscere?

*Scimus. & hanc veniam dabimus, petimusque vicissim,
Sed non ut placidis coeant immitia, non ut
Serpentes avibus gementur, Tigribus agni.*

Quid quæris? Artium scientiarumque summa laus & perfectio ducitur à singulari cujusque simplicitate; ut cæteras taceam, circumspice, quæso, quæ mariâ non intravit Navigatio levi duntaxat circumducta pixide? Quos cœli meatus non descripsit radio Astronomia? Quos eadem syderum orbes, fragili non percurrit vitro? Quæ rerum miracula non effinxit penicillo Pictura? Quæ alimenta sanis corporibus non promittit rudis Agricultura? Quas vires igitur, quamve sanitatem ægris non promittet simplex & *εὐπορίστη* Medicina? atque hæc quidem hætenùs, ita ut vero proxima sequatur illa conclusio.

Ergò Medicina practica, quò simplior, eò melior.

DOMINI DOCTORES DISPUTATURI.

	<i>... Anareas Cantwel, Regia Societatis Londinensis Socius & Chirurgia Professor.</i>	<i>M. Joannes-Jacobus Belle-teste.</i>
<i>M. Urbanus de Vandenesse.</i>	<i>M. Benjamin - Lucas de Laurembert.</i>	<i>M. Michaël - Philippus Bouvart, Professor Regius, & Regiæ Scientiarum Academia Socius.</i>
<i>M. Theodorus Baron, Artis Tinctoria, ut & rei Metallica inquisitor à Rege Præpositus.</i>	<i>M. Leander Peaget, Consiliarius Medicus Regis ordinarius in ejus Castello.</i>	<i>M. Joannes Herment, Antiquior Scholæ Magister & Medicus Regis ordinarius.</i>

Proponebat Parisiis, CAROLUS GEILLE DE S. LEGER, Claramontanus, Doctor Medicus Valentinus, Saluberrimæ Facultatis Medicinæ Parisiensis Baccalaureus, A. R. S. H. 1750, à sextâ ad meridiem.